



D. O. M.  
POSITIONES ANATOMICÆ  
ET  
CHIRURGICÆ.

EX ANATOMIA.



LEGANTIOREM sese prorsus in modum exhibet humani corporis fabrica, opus numeris planè omnibus absolutum, idemque permanens Creatoris potentia monumentum. Meditata porro hujusmodi operis contemplatio quantam præbeat admirandi ansam, quantum afferat jucunditatis & utilitatis liquidò cum pateat, Ubinam gentium ii reperiantur quibus non arrideat sui cognitio? Illa autem scientia in hominem rectè sentientem si apprimè quadret, quantò necessaria magis censi debet Chirurgis. huic, ut artis studio, ita & muneris officio peculiariter mancipatis. De variis Abdominis vulneribus acturos, partes quibus hæc cavitas conflat, paucis exponere juvat.

ABDOMEN pars trunci inferior, à pectore Diaphragmatis ope septum, Xiphoidè, ossibus Pubis, Sacro, Coxidè, lumborum Vertebra, costis Spuriis, & Musculis præsertim Abdominalibus circumscribitur.

USITATISSIMA est illius tum in partes, tum in regiones divisio: regionum nomine intelliguntur, designati quidam limites ad explanatiorem partium contentarum investigationem.

ABDOMINIS partes internæ & externæ: hæc in communes, dividuntur & proprias; communes, cutis & pinguedo; propriæ, ossa, Cartilaginæ, Membrana, Musculi; circa Musculi præcipue

notanda occurrunt numerus, situs, fibrarum tractus; foramina; Aponevroses in lineam albam desinentes, quibus Musculi recti ad instar Vaginæ includuntur.

SECTIS cautè Musculis inspicendum se præbet Peritonæum: Hæc membrana lævis, tenuis, muco oblita, textû cellulari donatur, cujus ope cum totâ Abdominis periphæriâ connectionem habet, si tamen immediatam Peritonæi cum Diaphragmate & lineâ albâ cohesionem exceperis. Protenditur & partibus contentis involucre peculiaria & varia ligamenta suppeditat: intra textum cellularem posterius reconduntur Vasa majora, Renes, Glandulæ renales, Ureteres, Vasorum spermaticorum ortus; antèrius in conspectum prodeunt Vasa umbilicalia, Vesica, & quædam è Genitalibus. Processus quibus Vasa spermatica & cruralia involvuntur, in Chirurgicam quoque animadversionem veniunt.

VISCERA Peritonæi sacco inclusa plurima apparent, in parte superiori sub Diaphragmate situm obtinent, Hepar cum suâ cystide felleâ, Ventriculus, & Lien; Ventriculo subjacet spatium quodam triangulari inclusum Pancreas. Maximam Abdominis partem occupant Intestina Mesenterio alligata, crassiora ad periphæriam, in centro tenuiora: his incumbit Omentum multâ pinguedine gaudens. In pelvi spectantur intestinum rectum, vesica, partesque Genitales diversæ pro diverso sexu.

FABRICA discrepant partes in Abdomine contentæ; aliæ Membranaceæ; aliæ Glandulosæ, hæc substantiam densam, illæ cellularem exhibent. Variis etiam usibus interserviunt, chilo scilicet, secretionibus, & generationi. De his ampliùs differere non est animus, propòsita solvere conabimur.

## EX CHIRURGIA.

PRÆVIAM Solidarum in statu naturali partium Speculationem, nisi ratio subsecuta fuerit, quæ valeat earundem læsarum obtineri curatio, irritæ quodam modo cesserint tot nostræ elucubrationes; sapienter itaque constituit provida Naturæ benignitas, ut quidquid damni Mortalium seu imprudentia seu ferocitas intulisset, auxiliatrici serè Chirurgorum sagacitate refarciretur. Aliter, non ita diuturno temporis intervallo de humano genere conclamatum foret. Quàm plurimas verò inter morborum classes aptæ partium conformationi officientes, non immeritò primas sibi vindicare videntur Abdominis vulnera, quæ quidem hîc loci evolvenda aggregamus.

ABDOMINIS vulnera penetrant, vel solas partes externas

lædunt, præcipua horum discrimina, à causâ, figurâ, sitû, naturâ partium læsarum, & accidentibus repetenda.

**PENETRENT** nec-ne vulnera, simplicia sunt aut implicata; implicatio enim à naturâ partium læsarum pendet: si quidem vulnera quædam involucris hujus cavitatis inlicita comitari possunt Hæmorrhagia haud facillè sistenda, inflammatio, summa tentio, abcessus, febris, convulsiones, aliaque lethalia symptomata, nisi Artis beneficio, venarum sectionibus repetitis, ampliacione averterentur. Aliàs quippè cavitas transfigitur absque ullo fauciatî damno, ut non rarò experientiâ comprobatum est.

**IN** vulneribus penetrantibus, intactæ remanent aliquandò partes internæ, sæpius læduntur, & varia fit in cavum aut extrâ pro diversâ partis indole effusio.

**VERSUS** Vulneris orificium, si non sit angustius, fluctuantes nonnunquàm erumpunt, nec rarò per vulneris oras adeò stragulantur, ut non nisi difficili negotio reducantur.

**SENSIBUS** & ratione dijudicantur Abdominis vulnera, visus quidem, & tactus immediatus non parùm ad explorationem vulnerum conducunt; specillum verò & injectiones, ut media non tantùm infida sed & noxia improbamus.

**SIGNA** rationalia, ex Galeno quinque, nempe actio læsa, excretio, accidentia cuique parti & vulnere propria, vulneris situs, & dolor quo pars fauciatâ diversi modè cruciatur; duo hæc ultima juxta nos incertissima.

**SIMPLICIUM** Abdominis vulnere coadunatio fit unicus medentis scopus, accidentia tamen venæ sectionibus, fomentis emollientibus, & idoneâ victûs ratione sedulò præcaveat, quæ si ob nimiam partium aponevroticarum tensionem immineant, ampliacionem vulneris quâ statim solvuntur non procrastinet.

**INTESTINA** per vulnus elapsa, si nullus adsit obex, citò citiùs in Abdomen refundantur, quod si propter strangulationem obtineri nequeat, ad ampliacionem vulneris confugiendum & prudentibus digitis Intestina intropellenda.

**NON** alia sequenda est methodus in Omenti prolapsû nisi gangrænâ afficiatur, aut pars Omenti prorupta ob nimiam obesitatem, nimiam vulneris ampliacionem postulet; si enim immineat gangræna, Omenti ligatura efficiatur in parte sanâ, & pars corrupta seceatur. In altero autem casû Omentum per vulneris oras strangulatum relinquatur, & hujus separatio Naturæ committatur, quâ peractâ, pars Omenti sana cum vulnere coalescit, & herniæ ventrali ut plurimùm post sanationem pertimescenda impedimentum præbet. \*

\* Hanc methodum proposuit Laudandus è nostris M. Chauvin quâ nuper cum successu non infelici usus est.

PERICULOSA sine dubio vulnera de quibus actum est. Periculosiores viscerum læsiones propter contentorum effusionem, ex quâ gravissima, quin imò lethalia oriuntur accidentia; tota spes tamen non abjicienda. Si extrùs prodeant Intestina, modò mediante futurâ ansæ formam exhibente, ad orificium vulneris contineantur, nec adhibeatur Pellionum futura. Si extrùs non prodeunt partes lauciatae, & effusio materiæ fiat per alvum, effusorum exitus, quantum fieri potest, idoneo sitû concilietur, sin miûs; unicum Ægrotantis præsidium in contra-apertura requiratur, modò collectæ materiæ locus innotescat.

PARTES in locum reductæ, idoneo sitû, debitâ que fasciatione contineantur, quæ si propter amplitudinem vulneris non suffecerint, ad gastrophiam citò recurrendum. Absolutâ vulneris curatione, fasciæ ferreæ ope Herniæ ventrali provideat Chirurgus, oportunis venarum sectionibus, tenui victûs ratione, cæterisque pro re natâ remediis debellantur accidentia.

*Has positiones, DEO JUVANTE, & præside M. LUDOVICO-ROBERTO GERVAIS Artium & Chirurgiæ Magistro, in Arte Obstetriciâ Demonstratore, antiquo Scholarum Moderatore, & è Regiâ Chirurgorum Academiâ, tueri conabitur CLAUDIUS-GABRIEL, BERTRAND, Parisinus, Artium Liberalium Magister.*

P A R I S I I S,

IN REGIIS CHIRURGORUM SCHOLIS.

*Die Veneris 31<sup>ma</sup> Decembris à sesqui-secundâ post meridiem ad Septimam. Anno Domini 1751.*

PRO ACTU PUBLICO

E T

MAGISTERII LAUREA.

---

Typis DELAGUETTE Regiæ Chirurg. Academiæ  
Typographi 1751.